

ՀԱՅԱՍՏԱՆԻ ԶԱՎԱԿՆԵՐԻ
ՄԱՐՏԱԿԱՆ ՍՈՒՍՈՐԾՈՒԹՅՈՒՆՆԵՐԸ



ԱՎԱԳ ԼԵՅՏԵՆԱՆՏ

ՍԵՐԳԵՅ

ԲՈՒՌՆԱԶՅԱՆ

ՀԱՅԱՍՏԱՆԻ ԳԻՏՈՒԹՅՈՒՆՆԵՐԻ ԱԿԱԴԵՄԻԱՅԻ ՀՐԱՑԱՐԱԿԱԶՈՒԹՅՈՒՆ



9(47.925)27

բ - 75

ՀԱՅԱՍՏԱՆԻ ԶԱՎԱԿՆԵՐԻ ՄԱՐՏԱԿԱՆ ՍԽՐԱԳՈՐԾՈՒԹՅՈՒՆՆԵՐԸ

ՅԱՆՎԱՐԻ Ե 1961 թ.

ՄԱՅՈՐ Գ. Դ. ԻՍԱՀԱԿՅԱՆ

ԱՎԱԳ ԼԵՅՏԵՆԱՆՏ
ՍԵՐԳԵՅ
ԲՈՒՌՆԱԶՅԱՆ



ՀԱՍՏՈՒ ԳԻՏՈՒԹՅՈՒՆՆԵՐԻ ԱԿԱԴԵՄԻԱՅԻ ՀՐԱՏԱՐԱԿՉՈՒԹՅՈՒՆ
Ե Ր Ե Վ Ա Ն 1 9 4 5

**ՀՍՍՌ ԳԻՏՈՒԹՅՈՒՆՆԵՐԻ ԱԿԱԴԵՄԻԱՅԻ
ՊԱՏՄՈՒԹՅԱՆ ԻՆՍՏԻՏՈՒՏ**

Պրոֆ. Խաբազիւր Վ. ԱՎԵՅԻՍՅԱՆ

Академия Наук Арм. ССР

Институт Истории

**Майор Г. Д. Исаабян
Старший лейтенант Сергей Бурнавян
(На армянском языке)**

ՎՋ. 00837 Պատվեր 345. Հրատ. 241. Տիրաժ 4000
ՀՍՍՌ ԳԻՒՄ. ԱԿԱԴԵՄԻԱՅԻ ՄԱԿ., ԵՐԿԱՆ, ԱՐԵՎԼԱՅԱՆ 104





Գերմանական զավթիչների դեմ մղվող
կռվի ճակատում Հրամանատարութեան առա-
ջադրանքներն օրինակելիորեն կատարելու և
այդ ժամանակ ցուցաբերած խիզախու-
թյան ու հերոսութեան համար ՍՍՌՄ Գե-
րազույն Սովետի Նախագահութեան 1944 թ.
օգոստոսի 2-ի Հրամանագրով մահից հետո
Սովետական Միութեան Հերոսի կոչում է
ընդունված հայ ժողովրդի քաջարի զավակ՝
կործանիչ օդաչու, էսկադրիլիայի հրամանա-
տար ավագ լեյտենանտ Սերգեյ Ավդեևիչ
Բուռնազյանին:

Սերգեյ Բուռնազյանի պարգևատրման
մասին լուրը մեծ գոհունակութեամբ ընդու-
նեցին Ստալինյան խիզախ բազեի մարտա-
կան բոլոր ընկերները: Դա ամբողջ հայ ժո-
ղովրդի սրտերում օրինական հպարտութեան
զգացում առաջ բերեց: Մարտադաշտում ի
փառս մեր Հայրենիքի կատարած իր սիրա-
գործություններով Բուռնազյանը փառավոր

էջ է գրել Հայրենական մեծ պատերազմի հերոսական տարեգրութեան մեջ:

Սովետական երիտասարդ օդաչու Սերգեյ Բուռնազյանն իր կյանքի մեծ մասը նվիրել է ստալինյան ավիացիային, նրա հզորութեան աճմանը: Շնորհիվ իր անսպառ եռանդի, որոնող մտքի ու տաղանդի նա պատվավոր տեղ գրավեց սովետական կործանիչ ավիացիայի նովատորների շարքում:

Օդաչու Սերգեյ Բուռնազյանը ծնվել է 1918 թվականին Ռոստովի մարզի Պրուխտարսկայա ստանիցայում:

1931 թվականին Սերգեյը ծնողների հետ միասին տեղափոխվում է Երևան մշտապես բնակվելու և շարունակում է իր կրթութունը Պուշկինի անվան դպրոցում:

Ապագա հերոսն ընդամենը 13 տարեկան էր, երբ Բուռնազյանների ընտանիքը զըրկվեց իր գլխավորից, և Սերգեյը քրոջ ու կրտսեր եղբոր հետ մնաց մոր խնամքին:

Համառ աշխատանքով ապրուստի միջոցներ ձեռք բերելով՝ Սերգեյի մայրը ամեն ինչ անում էր երեխաների կրթութեան համար:

Սերգեյ Բուռնազյանը դեռևս մանկու-
թյունից աչքի էր ընկնում իր բացառիկ
աշխատասիրությամբ, ընդունակություննե-
րով և արտասովոր լրջությամբ: Ուսման,
դպրոցական պարապմունքների սերը, ըն-
թերցասիրությունը, դեպի հարազատներն
ու ծանոթները ցուցաբերած զգայուն վերա-
բերմունքը Սերգեյ Բուռնազյանի բնավոր-
ության առանձնահատուկ գծերն էին: Իր
այդ հատկություններով նա շատ շուտ աչքի
էր ընկնում ամեն միջավայրում. դպրոցում
համարվում էր գերազանցիկ, իսկ ընկերների
սիրելին էր:

Սերգեյ Բուռնազյանի բնավորության
այդ աղնիվ գծերը նրա մեջ ամրացել էին
առհավիտ: Իր կարճատև կյանքի ընթաց-
քում հերոս օգաչուի մեծ հռչակ ձեռք բե-
րեց նա:

Ավիացիայի սերը Սերգեյ Բուռնազյանի
մեջ երևան եկավ մանկուց: Դեռ 5-րդ դա-
սարանի աշակերտ էր, որ տարվեց ավիա-
մոդելիզմով: Պարապմունքներից ազատ իր
ամբողջ ժամանակը Բուռնազյանը նվիրում

էր այդ գործին: Ավիամոդելիզմով գրավվելը
դպրոցական պարապմունքների հետ միա-
սին շուտով դառնում է նրա հիմնական
գրադմունքը, ամբողջութեամբ կլանում Սեր-
գեյին, և նա դառնում է ավիամոդելիզմի
շերմ սիրահար: Սավառնել երկնքի կապտա-
գուլն տարածություններում, բարձրորակ
օդաչու դառնալ, բազմապատկել մեր ավիա-
ցիայի փառքը—ահա երիտասարդ Սերգեյի
նվիրական երազը. դրան նա ձգտում էր հա-
մառորեն, անընկճելի ու քրտնաջան աշխա-
տանքով: Դեպի այդ էր դիմում իր բոլոր
ուժերով ու ընդունակություններով, և ի
պատիվ իրեն, հասավ այն նպատակին, որին
հետամուտ էր:

Նա շարունակ հայտարարում էր, թե
ավիացիան իր կյանքն է, թե՛ առանց ավի-
ացիայի ինքը չի կարող ապրել, և զուտ
ճմարտություն էր այդ:

Մայրական հուզիչ ու քնքուշ սիրով էր
սիրում մայրը Սերգեյին, իր անդրանիկ
որդուն: Բայց ամենևին չէր ցանկանում
հաշտվել այն բանի հետ, որ որդին ավիա-

ցիայով, ավիամոգելիզմով էր տարված: Նա
երազում էր իր Սերգեյին ինժեներ կամ
բժիշկ տեսնել:

Սերգեյի աշխատասեր մայրը ծիրության
տարիներին հանգիստ ապրել էր երազում,
ու նրա բոլոր հույսերը Սերգեյի հետ էին
կապված: Իսկ որդին, ավիացիայով տար-
վելով, անհանդստացնում էր մայրական
սիրտը:

Սերգեյը քնքուշ և զգայուն վերաբեր-
մունք ուներ դեպի մայրը: Գիտեր նրա ապ-
րումները և ամեն կերպ աշխատում էր վար-
ձահատույց լինել նրան: Նա մորը երկար
պատմում էր ավիացիայի ու նրա ապագայի
մասին, սովետական օդաչուի փառքի մա-
սին, հպարտության զգացում ներշնչելով
նրան որդու համար, որն իրեն ավիացիին
նվիրելով՝ ականավոր օդաչու կդառնա: Նա
այդ պատմություններն անելով աշխատում
էր մոր համաձայնությունն ստանալ:

Սերգեյի՝ ավիացիայով տարվելը ընտա-
նիքում հաճախ վեճեր և նույնիսկ ընտա-
նեկան թյուրիմացություններ էր առաջաց-

նում: Մի անգամ Բուռնազյանը իր փոքր եղբորը նստեցրեց կարի մեքենայի վրա և սկսեց մեքենայի անիվը պտտեցնել, երևակայելով, թե ինքը օդաչու է, ինքնաթիռի շտուրվալի կողքին: Անիվը նա այնքան պտտեցրեց, մինչև որ կոտրեց և դրա համար բավական անախորժություններ կրեց:

Բուռնազյանի կյանքի ուղին վերջնականապես որոշող մոմենտ հանդիսացավ ավիամոդելիստների Անդրկովկասյան մրցությունը, որ կայացավ 1935 թվականին Թբիլիսիում:

Լինելով 7-րդ դասարանի 15-ամյա մի աշակերտ, Սերգեյ Բուռնազյանը ավիամոդելիստների մրցության մեջ զբավեց երկրորդ տեղը: Այս հանդամանքը հսկայական նշանակություն ունեցավ Սերգեյի համար: Նախ, նրա մայրը, համարելով, որ որդուն համոզելը անհույս բան է, ինչպիսի և ուրախանալով նրա հաջողություններով, տվեց իր համաձայնությունը, և Բուռնազյանը հնարավորություն ստացավ անարգել զբաղվելու

իր սիրած դործով: Մյուս կողմից, մրցության մեջ իր ունեցած հաջողությունով ոգեշնչված Սերգեյն սկսեց ավելի մեծ եռանդով զբաղվել ավիամոդելիզմով:

Դպրոցում նա դասերի հետ միաժամանակ սկսեց ձեռք բերել առաջին գիտելիքները ավիացիայի մասին: Անասելի արագությամբ կարգում ու կլանում էր այն ամենը, ինչ ձեռքն էր ընկնում, ավիացիայի մասին՝ բրոշյուրներ, զրքեր, հոդվածներ և այլն:

Ավիացիան դառնում է Սերգեյ Բուռնազյանի իսկական տարերքը:

Ավարտելով իննամյակը, Բուռնազյանը առաջուց գիտեր, թե ուր պետք է ուղղի իր քայլերը: Նա 1937 թվականին այդ քայլերն ուղղում է դեպի Նրևանի այրոակումբը: Դա մի մեծ իրադարձություն էր Սերգեյի կյանքում: Այստեղ, Նրևանի այրոակումբում, նա առաջին անգամ հնարավորություն ունեցավ տեխնիկապես շոշափելու ինքնաթիռը, որ մինչ այդ միայն նրա երազներում ու երևակայություն մեջ գոյություն

ուներ: Եվ միանգամայն հասկանալի է, որ նա մեծագույն թափով սկսեց ինքնաթիռի նյութական մասի ուսումնասիրման և օդաչուական տեխնիկային տիրելու պրակտիկ ու թեորիական պարապմունքները:

Դեպի ավիացիան Բուռնազյանի տաժած սերը, նրա բացառիկ ընդունակությունները շատ շուտ նրա վրա դարձրին պետերի ուշադրությունը: Երևանի այերողակումբում յուրացնելով սավառնորդության համեստ դասընթացը, Բուռնազյանը հենց այն ժամանակ ինքնաթիռի գերազանց ղեկավար էր: Այերողակումբի հրամանատարությունը երիտասարդ սավառնորդ Բուռնազյանին նշանակեց հրահանգիչ օդաչու:

Որքան շատ էր նա խորանում սավառնորդության տեխնիկայի մեջ, այնքան ավելի լայնանում էին նրա գիտելիքները, այնքան ավելի էր բորբոքվում նրա սերը դեպի ավիացիան: Իսկ Երևանի այերողակումբի համեստ հնարավորությունները չէին կարող հագեցնել Բուռնազյանի աճող ծարավը:

Սերգեյի կյանքում բացառիկ իրադարձություն եղավ այն օրը, երբ նա, ուղեգիր ստանալով, մեկնեց խերսոնի ավիադպրոցում ուսումը շարունակելու:

խերսոնի ավիադպրոցը, որ Սովետական Միության մեջ կործանիչ օդաչուներ պատրաստող լավագույն դպրոցներից մեկն է, Բուռնազյանին բոլոր հնարավորությունները տվեց իր սիրած մասնագիտությանը տիրապետելու ծարավը հագեցնելու:

Նյութական հարուստ բազան, որակավոր ուսուցիչներն ու հրահանգիչները, զուգորդված Բուռնազյանի անխոնջ եռանդի և ընդունակությունների հետ, նրան դարձրին հիանալի կործանիչ օդաչու:

Բալական է նշել, որ մինչդեռ բացառիկորեն բարձր էին ներկայացվող պահանջները, Սերգեյ Բուռնազյանը ոչ միայն միշտ էլ ուսման գերազանց ցուցանիշներ ուներ, այլև ավիադպրոցն ավարտելուց հետո նրան այնտեղ պահեցին որպես հրահանգիչ օդաչու: Այն ժամանակ Սերգեյը ընդամենը 22 տարեկան էր:

Բուռնագյանը իրեն հատուկ հռանդով սկսեց սովորեցնել երիտասարդ կուրսանու- ներին: Զուգընթացաբար նա շարունակում էր կատարելագործել իր վարպետությունը: Սկսեց թափով յուրացնել բարձրագույն սավառնորդության տեխնիկան, որ այնքան անհրաժեշտ է կործանիչ օդաչուի համար, ուսումնասիրում էր սովետական կործանիչ ավիացիայի նոր մարկաները, որ այդ ժա- մանակները բուռն թափով զարգանում էր:

Սերգեյ Բուռնագյանը իրեն երջանիկ էր զգում, ինչպես և սովետական ամբողջ երի- տասարդությունը, որ ամրապես կանգնած է իր կյանքի լուսավոր ուղում:

Նա գիտեր, որ այսուհետև ոչ միայն ինքն է ընտրել իր ուղին դեպի ավիացիա, այլև ավիացիան է նրան առմիշտ ընդունել իր գիրկը:

Խերսոնում Սերգեյ Բուռնագյանը ծանո- թացավ համեստ, հանգիստ ու աշխատա- սեր մի աղջկա՝ Կատյուշայի հետ: Հենց այսպես է բնորոշում նրան Սերգեյը մորը գրած նամակում: Որոշ ժամանակ անց Սեր-

գեյը ամուսնացավ իր սիրած աղջկա հետ:

Ավիացիան և սիրելի Կատյուշան զարդարում էին սովետական երիտասարդ կործանիչ օդաչուի կյանքը, և Սերգեյը իրեն անչափ երջանիկ էր համարում: Նա էլ ավելի ուրախացավ, երբ 1941 թ. մայիսի 22-ին «իրելի Կատյուշան նրան պարգևեց մեկ տղա:

Ռայց Սերգեյին վիճակված չէր երկար ճաշակել ընտանեկան կյանքի երջանկությունը:

Ավդեյ Սերգեևիչը (իր որդուն այդ անունն էր տվել Սերգեյ Ավդեևիչը, գտնելով, որ նա շատ նման է իր պապ Ավդեյին) դարձել էր ուղիղ մեկ ամսական, երբ հիտլերյան ավազակները խուժեցին մեր խաղաղ քաղաքներն ու դյուղերը, երբ հիտլերյան օդային հեռուգաղնիները որսի ելան տարագիրներ Վրա՝ ճանապարհներին, իսկ գերմանական ավազակախմբի մյուս մասը հաղարավոր տանկերի և ավտոմեքենաների վրա նետվում էր դեպի Արևելք, ոչնչացնելով ճանապարհին պատահած ամեն ինչ:


Ներսոնի ավիադպրոցի հազարավոր սաներ նստեցին ինքնաթիռների շտուկավալներին մոտ և դաժան թշնամու ուխտադրուժ հարձակման հենց առաջին օրերից մահու ու կենաց մարտի բռնվեցին նրա հետ:

Անհավասար մարտերում մեր հերոսական կարմիր Բանակը և ռազմա-օդային ուժերը համառ դիմադրություն էին ցույց տալիս թշնամուն, փշրելով հակառակորդի կենդանի ուժն ու տեխնիկան: Բայց թշնամին ուժեղ էր, այն ժամանակ նա տանկերի և ավիացիայի գերակշռություն ուներ, և ռազմաճակատի գիծը դեպի Արևելք էր շարժվում: Ներսոնի ավիադպրոցը փոխադրվեց Բորիսոգլեբսկ:

Սերգեյ Բուռնազյանը, որպես իր սիրելի հայրենիքը ջերմորեն սիրող քաղաքացի, անզուսպ ձգտում էր դեպի ռազմաճակատ: Նա խնդրում ու աղաչում էր հրամանատարությանը այդ մասին, բայց խիստ հրամանատաճարակալ շարունակել իր աշխատանքը և արագացնել ռազմա-օդային ուժերի համար օդաչուներին կադրերի պատրաստումը:

1-6924 A
Սերգեյ Բուռնազյանը փաստորեն կռվում էր ռազմաճակատում Հայրենական պատերազմի առաջին օրից, մարտերին մասնակցում էր նրանով, որ օդաչուներ էր պատրաստում, բայց այդ չէր բավարարում նրան։ Սերգեյի միակ հրազն էր՝ որքան կարելի է շուտ երես-երեսի հանդիպել ռիսերի մ թշնամուն և նրա դեմ մղվող մարտերում ցույց տալ կործանիչ օդաչուի իր ձեռք բերած վարպետությունը։

1941 թվականի վերջին կատարվեց օդաչու Բուռնազյանի այդ երազը ևս։ Եվ կործանիչների էսկադրիլիայի կազմում նա մեծ ուրախությամբ կատարում է իր մարտական առաջին թռիչքը։ Մասնակցելով խմբական մարտին, Սերգեյ Բուռնազյանը իր մարտական հենց առաջին թռիչքի ժամանակ ցած գցեց գերմանական մեկ ինքնաթիռ, գնդակոծեց հակառակորդի զորասյուները։ Սերգեյը երբեք այնպիսի ուրախություն չէր դգում, ինչպես այդ օրը։ Նրանով է սկսվում ապագա հերոսի, խիզախ կործանիչ օդաչու Սերգեյ Բուռնազյանի



մարտական երևելի կենսագրության փառավոր էջը:

Մեր հայրենիքին սպառնացող մահացու վտանգի օրերին, երբ թշնամին կատաղորեն դեպի Կովկաս էր նետվում և սև ամպի նման կախվել էր Ստալինգրադի վրա, Սերգեյ Բուռնազյանը՝ մտնում է լեգենդար քաղաքի հերոս պաշտպանների շարքերը և մինչև հակառակորդի ստալինգրադյան խմբավորման վերջնական ջախջախումը մասնակցում է Վոլգայի վրայի այդ ամբողջի պաշտպանութանը:

Մեր ամբողջ երկրի, ամբողջ առաջադեմ մարդկության հայացքներն այդ օրերին ուղղված էին Ստալինգրադի վրա: Այստեղ էր որոշվում մեր հայրենիքի բախտը, սերունդների բախտը, ամբողջ առաջավոր մարդկության բախտը: Սովետական յուրաքանչյուր հայրենասեր Ստալինգրադում այդ օրերին ծավալված կատաղի գոտեմարտում զգում էր հայրենիքի հեքը որպես իր սրտի բաբախում:

Օդաչու Բուռնագյանը ստալինյան հա-
րյուրավոր ու հազարավոր բազենների թվում՝
Ստալինդրադի համար մղված այդ վճռա-
կան մարտերում պատվով կատարեց սիրելի
հայրենիքի հանդեպ իր պարտքը: Նա թշնա-
մուն ոչ միայն ջախջախում էր օդում և
ցամաքի վրա, այլև դրա հետ մեկտեղ մար-
տական փորձ էր կուտակում, ծնում ու առ-
նանում էր մեր ամբողջ փառապանծ Կար-
միր Բանակի հետ միասին և շուտով դար-
ձավ փորձառու, մարտերում կոփված կոր-
ծանիչ օդաչուներից մեկը:

Սերգեյի հետ միասին Ստալինգրադ է
փոխադրվում նրա անբաժանելի ու սիրելի
ընկերուհի Կատյուշան Ավդեյ որդու հետ:

1942 թ. օգոստոսի 9-ին, Ստալինգրա-
դում մղված ամենակատաղի մարտերի օրե-
րից մեկում, թշնամու ուղմբի բեկորով
սպանվում է օդաչուի կինը, նրա սիրելի
ընկերուհի Կատյուշան:

Թշնամու ուղմբից սիրելի կնոջ կորուստը
ցնցող ազդեցութուն ունեցավ օդաչու Սեր-
գեյ Բուռնագյանի վրա: Եռաց արյունը նրա

երահններում, նրա սրտում է՛լ ավելի բորբոք-
վեց ատելությունը դեպի թշնամին, նա երդ-
վեց թշնամիներից անողոք վրեժ լուծել սի-
րելի կնոջ արյան համար, սովետական հազա-
րավոր մարդկանց արյան ու արցունքների
համար, Ստալինգրադի ավերակների հա-
մար:

«Խեղճ Կատյուշա, — գրում էր Սերգեյը
մորն ուղարկած նամակում, հաղորդելով իր
կրած վիշտը, — առաջ ես նրա հետ էի բաժա-
նում թե վիշտս, թե ուրախությունս, միայն
նա էր կարողանում ինձ մխիթարել, իսկ
այժմ մեկ բան գիտեմ՝ բռնել ու սպանել
ավելի շատ գերմանացիներ»:

Նվ ամեն անգամ, երբ Սերգեյը օդ էր
բարձրանում ու թշնամուն հանդիպում, նրան
թվում էր, թե իր սիրելի Կատյուշան սպան-
վել է ահա հենց այդ օդային ավազակի
ռումբով, և թշնամուն հազվադեպ էր հա-
ջողվում անպատիժ ազատվել Բուռնազյանի
համարձակ գրոհից և կորստաբեր կրակից:

«Ես միայն մեկ բավականություն ունեմ, —
գրում էր Բուռնազյանը հարազատներին, —

մաքրական առաջադրանք կատարելու թռչել
և սպանել մեկ, մյուս գերմանացուն»:

Մարտական եռուն գործերը Սերգեյին
թույլ չէին տալիս հաճախ թղթակցել հա-
րազատների հետ, բայց այն սակավաթիվ
նամակները, որ նա գրում էր ռազմաճա-
կատից, միանգամայն բավական են նրան
որպես երևելի մարդու, իսկական հայրենա-
սերի, մարտական օդաչուի, թշնամուն հո-
գու ամբողջ ուժով ատողի բնորոշելու
համար:

«Ես առայժմ ողջ-առողջ եմ: Խփում ենք
գերմանացիների գլխին ու վզակոթին»,
գրում էր Բուռնազյանը Ստալինգրադի մոտ
Փելլմարշալ Փոն-Պաուլիուսի ընտիր բանակը
ջախջախելու օրերին: Հենց նույն նամա-
կում նա հարազատներին հաղորդում է, որ
իրեն պարգևատրել են Կարմիր Դրոշի շքա-
նշանով:

Մարտական այդ առաջին շքանշանով,
որով պարգևատրվեց Բուռնազյանը, հրա-
մանատարությունը արժանավորապես գնա-
հատեց քաջարի օդաչուի մարտական սխրա-

գործությունները, որ Ստալինգրադի համար մղված մարտերում ցած էր գցել գերմանական 10 ինքնաթիռ:

Արդեն այն ժամանակ օդաչու Սերգեյ Բուռնազյանը իր ստորաբաժանման ամբողջ անձնակազմի մեջ մեծ հռչակ էր վայելում:

Ստալինգրադի համար մղված մարտերն ավարտվելուց հետո հրամանատարությունը, բարձր գնահատելով Բուռնազյանի մարտական վարպետությունը, շնորհում է նրան ավագ լեյտենանտի կոչում և նշանակում կործանիչ ավիացիայի էսկադրիլիայի հրամանատար:

Բուռնազյանը բացառիկ պատասխանատվության զգացումով էր վերաբերվում իր հրամանատարական աշխատանքին, ամենուրեք և միշտ բարձր էր պահում սովետական սպայի պատիվն ու արժանապատվությունը: Նա իր ստորադրյալների համար ամեն բանով օրինակելի էր: Նրանք աշխատում էին ամեն ինչով նմանվել իրենց սիրելի հրամանատարին, նա իր էսկադրիլիայի հայրն ու հոգին էր: Իր ստորա-

դրյալներին սովորեցնում էր. «Մարտում հետևեցեք ինձ և գործեք այնպես, ինչպես ես եմ գործում»:

Իր կնոջ սպանվելուց հետո մորն ուղարկած նամակում Բուռնազյանը գրում էր. «Իմ էսկադրիլիայի տղաները մարտում ինձ չեն ճանաչում. ես դարձել եմ առյուծ»։ Նա սկսեց գերմանացիներին խփել ավելի ուժեղ, կրկնապատկված ու եռապատկված եռանդով, սկսեց ավելի ատել թշնամուն, և այդ նրա մեջ նոր ուժ էր լցնում, նրա հարվածները դառնում էին հզոր ու անվրեպ։ Դերմանական ավելի քան տաս ինքնաթիռ, հակառակորդի բազմաթիվ զորասյուներ կործանվեցին Սերգեյ Բուռնազյանի դյուցազնական հարվածներից։ Բայց այդ՝ հերոս օդաչուի մարտական վեհ էպոպեայի սկիզբն էր միայն։

Ստալինգրադի համար մղված մարտերի ժամանակաշրջանում Բուռնազյանը մտավ բոլշևիկյան պարտիայի շարքերը։ Ինչպես Ստալինգրադում, այնպես էլ Հայրենական պատերազմի այլ ճակատներում Բուռնա-

զյանը բարձր է պահել լինինի—Ստալինի պարտիայի փառապանծ ու հաղթական դրոշմ, նրա շուրջն է համախմբել իր ստորադրյալներին և նրանց անդուլ դաստիարակել մեր հայրենիքին անհունորին նվիրված լինելու ոգով:

1943 թվականի փետրվարի 2-ին Ստալինգրադի շրջանում վերջնականապես ջախջախվեցին գերմանական երկու ընտիր բանակները: Թշնամին սպանված ու գերի կորցրեց ավելի քան 330 հազար զինվոր ու սպա, այդ հաղթանակի մեջ հայ ժողովրդի փառապանծ զավակ Սերգեյ Բուռնազյանը և իր լուսման դրեց:

Վոլգայի ու Դոնի միջև ամբողջ տերիտորիան այդ ժամանակաշրջանում մաքրվեց գերմանական զավթիչներից: Կարմիր Բանակի հարվածների տակ Թշնամին միաժամանակ սկսեց նահանջել նաև Հյուսիսային Կովկասում, ռազմաճակատը փոխադրվեց Դոնի Ռոստովից արևմուտք: Սկսվեց բազմաչարչար ուկրաինական հողի ազատագրումը:

Ստալինգրադի համար մղված մարտե-
րում կոփված բանակի հետ միասին, կրնիա-
կոխ հետապնդելով թշնամուն, հարազատ
Ուկրաինայի համար մարտի է բռնվում
նաև այն ավիադորամասը, որտեղ ծառա-
յում էր Սերգեյ Բուռնադյանը:

Մինչ Ուկրաինայի համար կատարած
իր մարտական գործողությունների սկիզբը
Սերգեյ Բուռնադյանը հանրագումարի բերեց
Ստալինգրադում կռուտակած իր մարտական
փորձը: Բանակային „Защитник оте-
чества“ թերթի 1943 թ. հունվարի 1-ի
համարում տպված է օդաչու Բուռնադյանի
միակ հոդվածը՝ «Օդային մարտ» վերնա-
դիրը կրող այդ փոքրիկ հոդվածը բացառիկ
հետաքրքրություն է ներկայացնում: Նրա-
նում Բուռնադյանը ոչ միայն տալիս է 1942
թվի իր մարտական գործունեության հան-
րագումարը, այլև այնտեղ բացահայտվում
է հայրենասերի, հիանալի մարդու, քաջարի
մարտիկի և ստղանդավոր կազմակերպիչ
հրամանատարի երևելի կերպարը: Այդ պատ-
ճառով անհրաժեշտ ենք համարում անփո-

փոխ բերել Բուռնագյանի հիշված հոգւածը:
«Իմ մարտական աշխատանքը—զրոււմ է
Բուռնագյանը—սկսվից 1942 թ. ամառը:

Կատարում էի զանազան առաջադրանք-
ներ: Հետախուզության, գրոհի, ռազմական
կարևոր օբյեկտների պաշտպանման: Կատա-
րել եմ ընդամենը 198 մարտական թռիչք,
ցած եմ գցել թշնամու 10 ինքնաթիռ և 4-ն
էլ խմբական մարտում:

Ես ամենից ավելի սիրում եմ թռչել մեր
ցամաքային զորքերը պաշտպանելու համար:
Այդ դեպքում հաճախ են լինում հանգի-
սւումներ հակառակորդի հետ:

Հիշողությանս մեջ առանձնապես մնա-
ցել է Ս. քաղաքի մոտ տեղի ունեցած օդա-
յին մարտը: Բացառիկորեն լավ եղանակ էր:
Վաղ առավոտյան մենք թռանք պաշտպա-
նելու ռազմական կարևոր օբյեկտներ: Արևը
դեռ չէր ծագել: Քաղաքը վառվում էր, և
թանձր ծխի ամպեր էին բարձրանում
նրա վրա: Մենք երեք հոգի էինք: Քաղաքի
վերևը դեռ ոչ մի ինքնաթիռ չկար: Մենք
առաջինն էինք: Բայց գերմանացիները

չստիպեցին, որ իրենց երկար սպասենք։ Արևմուտքից թռչում էր ֆաշիստական ուժակոծիչների մի բաղմուխը։ Վերանց թիվը մոտ 50 էր. և նրանց ուղեկցում էին «ME-109» տիպի 15—20 կործանիչներ։

Նկատելով թշնամուն, ևս ընկերներին հավաքեցի և գնացի արևի կողմը, որպեսզի •գային ավազակներին գրոհում հանկարծակի։

Երբ «Յունիքները» վերադասավորվեցին ուժերը նետելու համար, ևս գրոհեցի առաջատարի վրա և արկով հրկիզեցի նրան։ Ինձ հետևող ավազ Եվսեկը հենց առաջին գրոհով հրկիզեց երկրորդին։ Մեր երրորդ ընկեր ավազ Սմիրնովը պաշտպանում էր մեզ։ Հերթով գրոհելով, մենք ֆաշիստներին ստիպեցինք ուժերը ցած պել ուղիղ պատահի։ Հետո մեզ նկատեցին «Մուսերշմիտները», բայց արդեն ուշ էր։ Մենք մեր հիմնական խնդիրը կատարեցինք։ Ավազ Եվսեկը ցած պեկ գարձյալ մեկ «Յունիք»։

Երբ ուղամաթերքը սպառվեց և բռնվինը հատնելու վրա էր, մենք կործանիչ-

ներից պաշտպանվելով սկսեցինք հեռանալ գետի մյուս կողմը: Այդ ժամանակ հինգ «Մեսսերշմիտտ» ինձ սեղմեցին, շրջան կադմեցին և հեռանալու հնարավորություն չէին տալիս:

Բենզին քիչ էր մնացել: Բայց այդ ժամանակ ավագ Սմիրնովը հաջող գրոհով ցած գցեց ֆաշիստական մեկ գիշատիչ: Օղակը հտըացվեց, և մնացած «Մեսսերշմիտտները» փախան:

Այդ մարտում մենք ցած գցեցինք 4 ինքնաթիռ, առանց ինքներս կորուստ ունենալու:

Նս սիրում եմ իմ Հայրենիքը և ամբողջ հոգով ատում եմ գերմանացիներին, ուստի և անխնա ոչնչացնում եմ նրանց: 1943 թվականին էլ ավելի լավ կլուներ, և ցած գցած ինքնաթիռների հաշիվը կմեծանա: Փաշիստներին խփելը ինձ համար ամենամեծ երջանկությունն է»:

Թեպետ Սերգեյ Բուռնազյանը, իր սովորական համեստությամբ, այդ հոգվածում պատմում է ավելի իր մարտական ընկեր-

ների, քան իր գործերի մասին, այնուամենայնիվ այդ հոգվածը բաց է լինում նրա երևելի և գունեղ կերպարի ամբողջ խորությունը: Մասնակցելով Ուկրաինայի ազատագրության համար մղված մարտերին, որպես կոփված ու փորձառու կործանիչ օդաչու, Սերգեյ Բուռնադյանը պատվով կատարեց նոր տարում տված իր խոստումը և ատելի գերմանացիներին ջախջախում էր կրկնապատկած ու եռապատկած եռանդով:

1943 թվականի սկզբից մինչև նույն տարվա գարունը Հյուսիսային Դոնեցի մոտ ու Դոնբասում կատաղի ընդհարումներ տեղի ունեցան գերմանացիների հետ: Հակառակորդը խիստ ամրացրել էր ջրային նպաստավոր բնագիծը և հաճախակի հակազդրոհներով աշխատում էր կասեցնել մեր հարձակումը Իզյումի և Բարվենկովոյի շրջանում: Երկիրը, սովետական ամբողջ ժողովուրդը Սովետական ինֆորմբյուրոյի այն օրերի հաղորդագրություններից հիշում է Իզյում—Բարվենկովո ուղղության երկարատև ու կատաղի մարտերը:

Հարավային ռազմաճակատի հենց այդ վճռական ընդհարումներին մասնակցեց Սերգեյ Բուռնազյանի ավիազորամասը, հետևել մեր հերոս օդաչուն։ Այդ մարտերում նա իր անմահ սխրագործություններով հռչակվեց ամբողջ ռազմաճակատում, գրավեց օդաչուների, հետևակայինների, տանկիստների ու հեծելազորայինների սերն ու հարգանքը։

Կատարելով հրամանատարության առաջադրանքը, Սերգեյ Բուռնազյանը երեք ու կես ամսվա մարտերի ընթացքում ամեն օր մասնակցում էր հակառակորդի հետ օդային ընդհարումներին։ Նա թռչում էր պաշտպանելու ցամաքային զորքերը, ուղեկցում էր մեր ռմբակոծիչ ավիացիային, գրոհում հակառակորդի ցամաքային ուժերի վրա։ Նվաճող Սերգեյ Բուռնազյանի էսկադրիլիայի մարտական կյանքի յուրաքանչյուր օրը ավելի ու ավելի խորը դրսևորում էր այն անքակտելի կապերը, որոնցով զոդված էր քաջերի այդ խիզախ կոլեկտիվը օդաչու Բուռնազյանի գլխավորությամբ։

Բուռնագլյանի էսկադրիլիայում էին նրա աշակերտներ ու մարտական ընկերներ կըրտսեր լեյտենանտներ Կոնդրատենկոն, Դենիսենկոն, Սերեդինը, ավագ Տավրուսը, սերժանտներ Գոյը, Լադիգինը և ուրիշները։

Նրանք բոլորը մարտական ամուր բարեկամությամբ էին կապված իրար և իրենց սիրելի հրամանատարի հետ։ Նրանցից յուրաքանչյուրը իր համար մեծ պատիվ էր համարում Բուռնագլյանի էսկադրիլիայում ծառայելը, նրանցից յուրաքանչյուրը պատրաստ էր ամեն ըոպե մահացու վտանգի ենթարկելու իր կյանքը, որպեսզի մարտի մեջ օգնի ընկերոջը, նրանցից յուրաքանչյուրը պարծանք էր համարում Բուռնագլյանի հետ թռչելը և իր հրամանատարին պաշտպանելը։

Էսկադրիլիայի ամբողջ անձնակազմը ամեն քանում օրինակ էր վերցնում իր հրամանատարից։ Իսկ Բուռնագլյանը տալիս էր միայն աներկյուղության, վարպետության, խիզախության ու հերոսության օրինակ։ Հրամանատար Բուռնագլյանի հենց այդ հատ-

կությունները դարձան նրա աշակերտների, էսկադրիլիայի բոլոր օդաչուների սեփականություն: Մենք քիչ դեպքեր չգիտենք, որոնք ցույց են տալիս Բուռնազյանի հոշակավոր էսկադրիլիայի մարտական կուռքարեկամությունը:

Էսկադրիլիայի հրամանատարի հետ զույգ կազմած հաճախ թռչում էր սերժանտ Անատոլի Լադիգինը: Նա ամենից ավելի լավ գիտեր մարտի մեջ իր հրամանատարի գործադրած ձևերն ու միջոցները: Լադիգինը իր հրամանատարի կյանքն ավելի թանգ էր պնդատում, քան իրենը:—Ինքս կկորչեմ, բայց հրամանատարս այդ զիշատիչների զոհը չի դառնա,—ասում էր նա: Դա մարտերում ընկած-ելած զինվորի, Բուռնազյանի անձնվեր բարեկամի և ընդունակ աշակերտի անկեղծ խոսքերն էին: Շատ անգամ է տաք կռիվներում Լադիգինը փրկել Բուռնազյանին և շատ անգամ է հրամանատարը փրկել Լադիգինին:

Մի անգամ սովետական չորս կործանիչ Բուռնազյանի առաջնորդությամբ հանդի-

պեցին Թշնամու 30 ինքնաթիռի։ Անհավա-
սար մարտ սկսվեց։ Բուռնազյանին ուղեկ-
ցում էր Լադիգինը, մինչդեռ նրանք կռվի
բռնվեցին «Մեսսերինի» հետ, մյուս զույգը
գրոհեց ռաբակոծիչների վրա։ Ճակատից
կատարած գրոհում Բուռնազյանը ցած գցեց
մեկ «ME—109» և ինքն ընկավ սպառնալի
դրության մեջ։ Թշնամու մյուս կործանիչը
անցավ նրա ինքնաթիռի պոչի ետևը։ Այն
մոմենտին, երբ գիշատիչը, հենց այն է,
պետք է կրակեր, սերժանտ Լադիգինը այն-
քան մոտեցավ գերմանական մեքենային, որ
տեսավ Թշնամու դեմքը, և ետ մղեց գեր-
մանացու գրոհը։ Դրանից անմիջապես հետո
վտանգը Լադիգինին էր սպառնում։ Երկու
«ME—109» աքցանի մեջ առան նրա ինք-
նաթիռը։ Բուռնազյանը ժամանակին օգնու-
թյան հասավ, քշեց ֆաշիստական անգղնե-
րին, ետ մղեց բոլոր գրոհները և փրկեց
ընկերոջը։ Գետնատնակը գալով՝ Լադիգինը
հիացմունքով պատմում էր, թե ինչպես
այդ մարտում հրամանատարը շեշտակի

խոցեց ֆաշիստական մեկ օդային ավա-
ղակի ևս:

Բուռնագյանը բարձր էր գնահատում իր
սան Լադիգինի մարտական հատկություն-
ները: Երբ ինքը թշնամու մեքենա էր ցած
գցում, այդ բանը վերագրում էր նաև Անա-
տոլի Լադիգինին, որն արթուն կերպով
պաշտպանում էր հրամանատարի ինքնա-
թիուր:

Բուռնագյանի էսկադրիլիայի օդաչու-
ների փոխադարձ ջերմ սիրո մասին ամբողջ
բանակը գիտեր. նրանց մասին հաճախ գրում
էին կարմիրբանակային „Защитник оте-
чества“, „Советский воин“ թերթերը,
նրանցով սքանչանում և նրանցից օրինակ
էին վերցնում ուրիշ ստորաբաժանումների
օդաչուներն ու մարտիկները: Եվ հրբ այդ
համերաշխ ընտանիքից որևէ մեկը վիրա-
վորվում և հոսպիտալ էր գնում բուժվելու,
նրա միակ ցանկությունը լինում էր որքան
կարելի է շուտ շարք վերադառնալ՝ իր բա-
րեկամների մոտ: Իսկ շարքում մնացած
ընկերները ազատ րոպեներին հաճախ մտա-

բերում էին բացակայող ընկերոջը և պատմում նրա մասին:

Այդպես պատահեց նաև կրտսեր լեյտենանտ Սերեդինի հետ: Այդ քաջարի օդաչուն առանձին սեր էր վայելում ամբողջ զորամասում:

Մի անգամ, մարտական առաջադրանք ստանալով, Բուռնազյանն իր վեցյակի հետ թռավ օդանավակայանից: Հենց կտրեցին նրանք ռազմաճակատի գիծը, նկատեցին իրենց դեմ թռչող ավելի քան երեք տասնյակ «Մեսսերներ»:

Բուռնազյանը արագորեն որոշում է գրոհել հակառակորդի վրա: Նրա էսկադրիլիան իր մարտական տրադիցիաներն ունեւր: Սրբեք չխուսափել մարտից, չնայած հակառակորդի թվական գերակշռությանը, առաջինը ինքը գրոհել և նախաձեռնությունը ձեռքից չտալ: Այդ տրադիցիային խստիվ հետևում էին էսկադրիլիայի բոլոր օդաչուները, և դա նրանց միշտ էլ հաղթություն էր բերում: Այս անգամ ևս այդպես պատահեց: «Մեսսերների» հետ մարտը տևեց ընդա-

մենը 20 ըրպէ: Չնայած գնդակների տա-
րափին, համարձակ նայելով մահվան աչքե-
րին, Բուռնազյանի քաջ սաները հրամա-
նատարի գլխավորութեամբ տասնյակ ան-
գամներ գրոհեցին հակառակորդի վրա: Բուռ-
նազյանի էսկադրիլիան այդ անհավասար
մարտում ցած գցեց թշնամու 7 ինքնաթիռ,
դրանցից 2-ը ցած գցեց Բուռնազյանը ան-
ձամբ:

Այդ մարտում ծանր վերք ստացավ օդա-
չու Վլադիմիր Սերեդինը: Նրան հոսպիտալ
տարան, և բոլոր ընկերները շատ ծանր էին
տանում նրա բացակայութիւնը:

Միքանի ժամանակ անց Բուռնազյանը
մի գրութիւն ստացավ օդաչու Սերեդինից.
«...64 բեկոր էր, բոլորը հանեցին: Վեր-
քերը լավանում են: Կարոտում եմ: Շուտով
կվերադառնամ ձեզ մոտ, թանկագին ընկեր-
ներս:

Այդ նամակը խիստ ուրախացրեց Սե-
րեդինի բոլոր բարեկամներին, իսկ այդ օրն
ամենից շատ ուրախ էր ինքը Բուռնազյանը:
Նա անհամբեր սպասում էր իր մարտական

բարեկամ-աշակերտի շուտափուլթ վերա-
դարձին:

Բայց մարտերը ոչ մի օր չէին հանդար-
տում: Բուռնագյանի էսկադրիլիան ամեն օր
մի քանի անգամ թռչում էր մարտական
առաջադրանքներ կատարելու և յուրաքան-
չյուր թռիչքով բազմապատկում ցած պցած
ինքնաթիռների իր մարտական հաշիվը, դրա
հետ մեկտեղ էլ իր փառքը:

Բուռնագյանի էսկադրիլիան շուտով ավի-
լի ծանր կորուստ կրեց: Մարտական առա-
ջադրանքի կատարման ժամանակ քաջի մա-
հով ընկավ Բուռնագյանի ղույգ, նրա բարե-
կամ սերժանտ Անատոլի Լադիգինը: Էս-
կադրիլիայի և ավիացորամասի ամբողջ
անձնակազմի համար խիստ ծանր էր այդ
կորուստը: Մարտական բարեկամի թաղման
ժամանակ գլխաբաց կանգնած էին Լադի-
գինի մտերիմները:

— Նա պաշտպանեց Հայրենիքի պատիվը,
մեր մարտական դրոշի սլառիվը: Մարտում
անմեղ էր Անատոլին,—ասում էր Բուռ-
նագյանը:

«Նրա արյունը վրեժի է կոչում,—ասացին օդաչուները,—մենք երդվում ենք թշնամուց վրեժ լուծել քո մահվան համար, թանկագին ընկեր»:

... Հետևյալ օրն առավոտյան հինգ մեքենա սուրացին վեր: Նրանք սրընթաց անցան ձյունասլառ դաշտի վրայով, այն օդանավակայանի մոտ, որտեղ թաղված էր մարտական ընկերոջ մարմինը: Նրանք, կիզիչ ատելությամբ լցված դեպի թշնամին, սկսեցին էլ ավելի մեծ հերոսությամբ կռվել: Նրեքօրյա մարտերում ստորաբաժանման օդաչուները ցած դցեցին ֆաշիստական 17 ինքնաթիռ: Դա քաջարի օդաչու, Բուռնազյանի սան և բարեկամ սիրժանտ Անատոլի Լադիզինի արյան անողոք ու դաժան վրեժի հաշիվն էր:

Բուռնազյանի էսկադրիլիան Ուկրաինայի համար մղած երկամսյա մարտերի ընթացքում ցած գցեց հակառակորդի ավելի քան 50 ինքնաթիռ, և այդ էսկադրիլիայի հռչակը տարածվեց ամբողջ ռազմաճակատում: Փառապանք ստորաբաժանման մարտական սխրագործություններն ու հերոսությունը

վերադրվում էին նրա երևելի հրամանատարին, որն իր օգնչուներին անդուլ դաստիարակում էր թշնամուն ատելու, արիության, խիզախության և հմտության ոգով: Նա նրանց սովորեցնում էր, դաստիարակում և մարտի տանում:

Հենց այստեղ, Ուկրաինայի ադատադրման համար մղած մարտերի ժամանակաշրջանում, 1943 թ. գարնանը, Բուռնադյանը էսկադրիլիայի հրամանատարի պաշտոնում ցույց տվեց ոչ միայն հրամանատարի ընդունակություններ, այլև մարտական իսկական վարպետություն, հայտնի դառնալով որպես կործանիչ ավիացիայի անխոնջ նովասոր:

Բուռնադյանը որպես հրամանատար իր ստորադրյալներին սովորեցնում էր ամեն քայլափոխին, սովորեցնում էր օդանավակայանում, մարտերի ընդմիջումներին, սովորեցնում էր մարտում, իսկ նրա ուսուցման մեջ գլխավորը անձնական օրինակն էր:

Այդ տեսակետից բնորոշ է հետևյալ միջադեպը:

Թռիչքներից ադատ ժամանակ էսկադ-

րիլիայի օդաչուները ուսուցումով էին զբաղ-
վում: Պարապմունքի թեման էր՝ «Ինչպես
ավելի լավ մոտենալ միայնակ ուժակոծի-
չին և խփել»:

Օդաչուները զանազան վարիանտներ էին
առաջարկում և տաք-տաք վիճում: Ավագ
լեյտենանտ Բուռնազյանը այդ մասին իր
հատուկ կարծիքն ուներ և մոտենալով օդա-
չուներին՝ սկսեց պատմել.

— Նպատակահարմար է միայնակ ուժա-
կոծիչին մոտենալ նրանից 10—15 մետր ցած-
րից, 15—20 աստիճանով: 30—50 մետր հեռա-
վորուլթյունից հարկավոր է նշանացուցային
կրակ բանալ: Կարելի է մեկ կրակաերթով խո-
ցել հրաձիգին և ձախ մոտորը միաժամանակ:

Օդաչուները ուշադրությամբ լսում էին
իրենց հրամանատարին, աշխատելով բաց
չթողնել նրա ասած և ոչ մի բառ:

Բայց Բուռնազյանը չէր ավարտել իր խոս-
քը, որ օդանավայանում տազնապ հայտա-
բարվեց:

— Օդանավակայանի վերևը գերմա-
նական հետախույզ կա,— հաղորդեց օրա-

պահը:—«Յուլ—88» տիպի: Բարձրությունը՝ 1500: Կուրսը՝ 45:

Օդաչուները նետվեցին դեպի իրենց մեքենաները: Թռավ նաև Բուռնադյանը: Բարձրանալով նա հասավ գիշատչին և կռվի բռնվեց հետը: Ներքևում կանգնած էին ավիազորամասի օդաչուներն ու տիխնիկները: Նրանք հուզմունքով դիտում էին օդային մարտի ամբողջ զարգացումը: Անցավ մի քանի րոպե, «Յուլ—88»-ը ծանրորեն շրջվեց թևի վրա և ուղղվեց դեպի պետին, իրենից սև ծխի հետք թողնելով: Բուռնադյանը այդ մարտում այնպես էր գործում, ինչպես քիչ առաջ պատմում էր իր օդաչուներին: Նրբվերադարձավ օդանավակայան, մոտ վազեցին օդաչուները և հիանում էին իրենց հրամանատարի արիությանը ու համությամբ:

Ճիշտ եք ասում, ընկեր հրամանատար, այժմ գործնականում համոզվեցինք, թե ինչպես պետք է խփել միայնակ ուժակոծիչին:

Յուրաքանչյուր մարտական թռիչքից առաջ Բուռնադյանը ժողովում էր իր օդա-

չունենին, բացում էր քարտեզը և մանրամասնորեն պատմում առաջիկա խնդիրը, հուկառակորդի ինքնաթիռների այս կամ այն խմբին հանդիպելիս վարելիք մարտի եղանակները, նրանց հետ ուսումնասիրում առաջիկա գործողությունների մարշրուտն ու շրջանը: Իսկ հետո քաջալերում և մարտի էր տանում:

Բուռնազյանը մի ուրիշ ոսկե կանոն էլ ուներ: Յուրաքանչյուր մարտից հետո նա հավաքում էր իր օդաչուներին և մանրամասնորեն քննում կատարած գործողությունը: Նա մանրամասնորեն վերլուծում էր մարտն ամբողջությամբ, ուսիչ և բացասական մոմենտները, անում էր հետևություններ և տալիս էր ցուցումներ: Դրա հետ մեկտեղ մանրամասնորեն բնութագրում էր յուրաքանչյուր օդաչուի վարվելակերպը, գտնում արիության ու հմտության համար և ցույց տալիս թերությունները: Մի անգամ հարկ եղավ Տավրուսին խիստ նկատողություն անել, որ նա շարքում ետ էր մնում և մնացել էր պոչում՝ հեռու:

— Տավրուսը ջանում էր արտաքին շրջա-
դժով բացազատվել, — ասում էր Բուսնա-
զյանը, — մինչդեռ պետք է բացազատվեր դեպի
ներս, որպեսզի փոքրացներ շառավիղը և հաս-
ներ ընկերոջը։ Դրանից կարող էր այն ստաց-
վել, որ եթե վրա հասնեին «Մեսսերները»,
Տավրուսը չէր կարողանա քողարկել իր
զուլգի մեքենայի պոչը, իսկ վերջինս էլ իր
հերթին չէր կարողանա նրան օգնություն
ցույց տալ հարձակման դեպքում։

Այդ նկատողությունները և նրա ուրիշ
շատ ցուցումները օրը-օրին օգաչուններին
օգնում էին բարձրացնելու իրենց մարտա-
կան վարպետությունը։ Այսպես անդուլ կեր-
պով սովորեցնում ու դաստիարակում էր իր
ստորադրյալներին, և նրա աշխատանքը
մարտական նոր փառք էր բերում։

Ամեն առավոտ շտաբից Բուսնազյանին
հայտնում էին նախընթաց օրը նրա էս-
կադրիլիայի ունեցած մարտական դորժո-
ղությունների արդյունքները։

«Երեկվա ընթացքում աշխատում էիք
գերազանց։ Ցամաքային զորքերի հրամա-

նատարությունը գոհ է ձեր գործողություն-
ներից: Այդպես էլ հարկավոր է աշխատել,
ապագա գլարդականներ: Նման գնահա-
տական նրանք ստանում էին ամեն օր: Իսկ
օդաչուները պատասխանում էին. «Այսօր
կրկնակի գոհ կլինեն»:

Իր մարտական վարպետությունը կատա-
րելագործելու մշտական և անգուսպ ձգտումը,
խիզախումն ու նովատորությունը թերևս
հերոս օդաչուի ամենանշանավոր գծերն էին:
Յուրաքանչյուր մարտական թռիչքի խոր
ուսումնասիրությունը, գործադրած մարտա-
կան տակտիկայի բոլոր էտապների ու ձևե-
րի մանրամասն վերլուծումը նա օգտագոր-
ծում էր ոչ միայն իր ստորադրյալներին
վարժեցնելու, նրանց որակը բարձրացնելու
համար, այլև իր սեփական փորձն ու գիտե-
լիքները հարստացնելու համար: Նոր թռիչ-
քի պատրաստվելով՝ նա ամենայն լրջու-
թյամբ հաշվի էր առնում ոչ միայն իր էսկա-
դրի լիայի նախընթաց մարտերի փորձը, այլև
ուրիշ կործանիչ օդաչուների փորձը, բայց
յուրաքանչյուր մարտում աշխատում էր

չընդօրինակել նախնըթաց ձևերը և կամ ուրիշ
օդաչունների, այլ ստեղծագործ կերպով էր
կիրառում այդ փորձը: Հենց այդ պատճառով
Սերգեյի և նրա էսկադրիլիայի յուրաքան-
չյուր մարտական թռիչք ոչ միայն ուսուցում
էր, ոչ միայն հակառակորդին ոչնչացնելու
մարտ, այլև օդային տակտիկայի նոր եղա-
նակների պրակտիկ կիրառում:

Բուռնագյանը ինքնուրույն կերպով մշա-
կում և հաջողությամբ կիրառում էր օդային
մարտի նոր եղանակներ, որ միշտ էլ նրան
ու նրա էսկադրիլիային հաղթանակ էր բե-
րում թշնամու դեմ: Նույնիսկ թվաշատ հա-
կառակորդի հանդիպելիս էլ նա միշտ ելք
էր գտնում ամենաբարդ և ասես թե անե-
լանիլի իրադրությունից: Այդ ժամանակ նա
զգալի պարտությունների էր մատնում հա-
կառակորդի գերազանց ուժերին, հաճախ
ինքը ոչ մի կորուստ չկրելով: Բուռնա-
գյանի օդային մարտի տակտիկայում ամե-
նագլխավորը համարձակ և անակնկալ գրոհն
էր: Նա օդային մարտում պաշտպանություն
չէր ընդունում և երբեք էլ չէր կիրառում:

Հակառակորդի ինքնաթիռների բոլոր հիմնական տեսակների համար, նրանց զանազան կոմբինացիաներով հանդերձ, Բուռնազյանն ունեւր օդային մարտի մանրակրկիտ մշակված եղանակներ:

Մի անգամ, հակառակորդի ուժակոծիչների մի խմբի վրա ետևից գրոհելիս, Բուռնազյանը նկատեց, որ գերմանական մնացած ինքնաթիռների հրաձիգները հնարավորություն ունեին նրան գնդակոծելու, ընդամին նրանք ծակել էին Բուռնազյանի ինքնաթիռի ուղիատորը: Այդ դեպքը ստիպեց, որ նա մարտի մի նոր եղանակ մշակի և կիրառի: Արև եղանակին նա թռչում էր դեպի արևը և, աննկատելի մնալով, անսպասելի խրվում թշնամու ուժակոծիչների մարտակարգերի մեջ և, խախտելով դրանք, մեկ-մեկ էր գրոհում վրաները: Արև չեղած եղանակին Բուռնազյանը, որպես կանոն, թշնամու ուժակոծիչների խմբի վրա գրոհում էր ցածրից, նույնպես խրվելով ու խախտելով նրանց մարտակարգերը: Այդ տակտիկան կիրառելով Բուռնազյանը ցած է

գցել գերմանական 11 ռմբակոծիչ: Նա մշակեց նաև թշնամու գրոհիչներին ու կործանիչներին դեմ մարտ մղելու իր եղանակները և դրանք գործադրում էր ամենաբազմազան ու բարդ պայմաններում և իրադրության մեջ:

Իր վարպետության շնորհիվ Բուռնազյանը սովետական ասսիփառապանձ անուն էր վաստակել, նրանով հպարտանում էին իր զորամասի բոլոր օդաչուներն ու հրամանատարությունը:

Ուկրաինայում մղված մարտերի երեք ամսվա ընթացքում Բուռնազյանը անձամբ ցած է գցել հակառակորդի 18 ինքնաթիռ և մինչև 1943 թ. մարտի 10-ը նրա անձնական հաշվում կար 250 մարտական թռիչք և հակառակորդի 28 ցած գցված ինքնաթիռ:

Բուռնազյանի ամբողջ էսկադրիլիան պարգևատրված էր շքանշաններով, իսկ հուշակավոր օդաչուի կուրծքը զարդարում էին երեք մարտական շքանշան: «Շքանշանակիր էսկադրիլիա», այսպես էին անվանում Բուռնազյանի էսկադրիլիան ամբողջ ռազմա-

ճակատում, և երբ նա թռչում էր պաշտպանելու ցամաքային զորքերին, հետևակային մարտիկներն ու հրամանատարները գիտեին, որ թշնամու ոչ մի օդային ավազակ իրենց չի խանգարի մարտական խնդիրը կատարելու: Մեզ օդից Բուռնազյանն է պաշտպանում, հպարտությամբ ասում էին նրանք, հիանալով կարմիր աստղակիր շարժուն փոքրիկ բազեով, որը սրընթաց անցնում էր նրանց գլխավերևով:

№ 43 «Յակ» կործանիչը հերոս օդաչուի ամուր ու հմուտ ձեռքերում փառավոր անցներով իր ծառայությունը, իր վերջին ռեյսն էր կատարում: Հրամանատարության հրամանով Բուռնազյանը թիկունքի օդանավակայաններից մեկը եկավ 28 բաց կապույտ գույնի աստղերով զարդարված իր փոքրիկ բազեով: Շուտով նա պետք է ստանար ավելի կատարելագործված մի նոր ինքնաթիռ: Բուռնազյանը երազում էր է՛լ ավելի լավ պատերազմիլ նոր ինքնաթիռով, է՛լ ավելի ամուր խփել թշնամուն և հայրենիքի համար մղվող կատաղի մարտերում նոր փառք

նվաճել սովետական ավիացիայի համար։
Այդ մտքերով նա վերջին անգամ գործի
դրեց իր «Բազեիկի» դեկը։

Նրբ նա դուրս էր գալիս կաբինից, նրան
ընդառաջ վազեց ավիագործամասի շտաբան
մայոր Պինդյուրը. Բուռնազյանը շուռ գալով
մեծ ուրախությամբ տեսավ իր առջև իր
սիրելի ուսուցչին՝ Ներսոնի ավիադպրոցի
նախկին հրահանգիչ օդաչուին։ Նրանք ամուր
գրկախառնվեցին և շնորհավորեցին իրար։
Բուռնազյանը ջերմ շնորհակալություն հայտ-
նեց մայոր Պինդյուրին իրեն դաստիարա-
կած լավ դպրոցի համար։ Մայոր Պինդյուրը
հայտնեց իր հիացմունքը իր աշակերտի հերո-
սությամբ։

Շուտով դրանից հետո Բուռնազյանը
պնաց նոր ինքնաթիռ ստանալու։ Բայց
նշանակված տեղը չհասած՝ թշնամու գումբի
բեկորով նա սպանվեց։ Չիրականացան Բուռ-
նազյանի երազները, նրան չվիճակվեց մար-
տական նոր թռիչքներ կատարել և բաղ-
մապատկել իր մարտական փառքը։

Ընկերները հերոսի մարմինը փոխա-

դրեցին և թաղելով նրան Բորիսոգլեբսկ քաղաքում, երգվեցին թշնամիներին նրա վրեժն առնել նույնպես խիստ, ինչպես նա վրեժ էր առնում իր աշակերտ և բարեկամ Լադիգինի արյան համար, ինչպես անխնա նա վրեժ էր առնում թշնամիներին սովետական ժողովուրդների արցունքների և արյան համար:

Իր վերջին նամակում Սերգեյը մորը գրում էր, որ հաղթելուց հետո կգա նրա մոտ՝ Նրևան հանգստանալու: Բայց Սերգեյին չվիճակվեց ղգալ թշնամու դեմ տառած հաղթանակի ուրախությունը, որին հասնելու համար նա տվեց իր ամբողջ կյանքը: Նրան չվիճակվեց նաև սիրած Նրևան քաղաքի օդը շնչելու հաճույքը: Հերոսի մայրը չիմացավ իր քաջարի որդու մեծ փառքը նա մեռավ որդու մահից քիչ առաջ, չիմանալով, որ իր որդին պատվով կատարելով իր պարտքը հայրենիքի հանդեպ՝ հռչակել է իր անունը հայրենիքի համար մղած զաժան մարտերում:


Այն օրերին, երբ ամբողջ հայրենիքը

աղատագրված է գերմանական աղտեղու-
թյունից, երբ Կարմիր Բանակը թշնամու-
ջախջախում է նրա սեփական որջում, երբ
մոտ է վերջնական հաղթանակը թշնամու-
հիտլերյան ավազակների դեմ, Նրևան է
բերված հռչակավոր հերոս օդաչու ավագ
լեյտենանտ Սերգեյ Ավդեևիչ Բուռնազյանի
ինքնաթիռը։

Ժողովուրդը սերունդների համար հավի-
տենապես կապհի հերոս օդաչուի ինքնաթիռը
որպես Բուռնազյանի մարտական փառքի
կենդանի կրիչ։ Նրկիրը քնքուշ գուրգուրան-
քով կշրջապատի հերոսի միակ ու սիրելի
որդուն՝ փոքրիկ Ավդեյ Սերգեևիչին և
կգաստիարակի նրան, ինչպես և սովետա-
կան բոլոր մանուկներին, որպեսզի նա ևս
ջերմորեն սիրի իր հայրենիքը, ինչպես իր
փառապանծ հայրը, որպեսզի նա լինի այն-
պես խելոք ու քաջ, որպես Սերգեյ Ավ-
դեևիչն էր։

Ժողովուրդն ու սերունդները, սեփական
բաց կապույտ գույնի 28 աստղիկներով դար-
դարված № 43 «բազեիկը», հավիտենապես

Լիառաքանեն իրենց հերոս որդուն ունախա-
 հորը, որ իր հռուն երիտասարդ կյանքը
 նվիրաբերեց հայրենիքի պատվի և ազա-
 տության համար, ժողովրդի ու սերունդ-
 ների երջանկության համար:



ԳԱԱ Հիմնարար Գիտ. Գրադ.



FL0043281

